



Broj: 01-23-9-856/16-3
Datum: 1.11.2016. godine

Na osnovu člana 69. stav 2. tačka e), člana 70. stav 1., 4. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-856/16-2 od 31.10.2016. godine, načelnik Općine Travnik, **d o n o s i**

RJEŠENJE

o poništenju postupka javne nabavke

Član 1.

Poništava se konkurentski postupak javne nabavke pokrenut Rješenjem broj: 01-23-9-856/16 od 4.10.2016. godine za nabavku radova: "Izvođenje radova na izgradnji rezervoara Križevac V=50 m³", iz razloga što je cijena prihvatljivih ponude znatno veća od osiguranih sredstava za predmetnu javnu nabavku.

Član 2.

Za izvršenje ovog Rješenja zadužuje se Služba za obnovu, izbjeglice, raseljena lica i stambene poslove.

Član 3.

Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama

Član 4.

Ovo Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Ugovorni organ općina Travnik pokrenuo je postupak javne nabavke Rješenjem broj: 01-23-9-856/16 od 4.10.2016. godine. Javna nabavka je provedena po konkurentskom zahtjevu za dostavu ponuda. Ugovorni organ je objavio obavještenje o nabavci na Portalu e-procurement broj: 54-7-3-136-3-80/16 od 6.10.2016. godine.

Sa Informacionog sistema „E – nabavke“ Agencije za javne nabavke BiH tendersku dokumentaciju su preuzeli sljedeći ponuđači: „Infostirim“ d.o.o., „BBS Europe“ d.o.o., „Građevinar“ d.o.o. Novi Travnik, „Ganik I.D.A“ d.o.o., „Merkez Oil“ d.o.o. Novi Travnik, „tehnopetrol“ d.o.o., GPPD „Vlašić gradnja“ d.o.o., „Dinalsa“ d.o.o., „TKM“ d.o.o. Zenica, „Aqua interma inženjering“ d.o.o. „GPD „Teling“ d.o.o.

Rok za dostavljanje ponuda u skladu sa tenderskom dokumentacijom broj: 01-23-9-856/16 bio je 27.10.2016. godine.

Predmet javne nabavke nije bio podijeljen na lotove.

Javnom otvaranju ponuda nisu prisustvovali predstavnici privrednih subjekata. Zapisnik o otvaranju ponuda ponuđačima je proslijeđen putem fax-a dana 27.10.2016. godine.

Ponude su dostavili sljedeći ponuđači: „Ganik i.d.a.“ d.o.o. Vitez i „Merkez Oil“ d.o.o. Novi Travnik.

Komisija za javnu nabavku imenovana je Rješenjem broj: 01-34-16-526/16 od 6.6.2016. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje, pregled i ocjenu u roku dostavljenih ponuda i utvrdila da ponude ponuđača „Ganik i.d.a.“ d.o.o. Vitez i „Merkez Oil“ d.o.o. Novi Travnik ispunjavaju zahtijevane tenderske uslove i iste su ocijenjene prihvatljivim.

Komisija za javne nabavke Općine Travnik, dostavila je dana 31.10.2016. godine općinskom načelniku Zapisnik o radu Komisije i ocjeni ponuda koji je ujedno i Izveštaj o radu Komisije broj: 01-23-9-856/16-2, sa preporukom da se predmetna javna nabavka okonča poništenjem postupka.

Naime, i pored toga što su ponude ponuđača „Ganik i.d.a.“ d.o.o. Vitez i „Merkez Oil“ d.o.o. Novi Travnik zadovoljile sve tenderom propisane zahtjeve, cijene istih premašuju iznos obezbijeđenih sredstava za predmetnu javnu nabavku.

1. „Ganik i.d.a.“ d.o.o. Vitez je ponudio cijenu od 29.583,55 KM bez uključenog PDV-a, odnosno 34.612,75 KM sa uključenim PDV-om;
2. „Merkez Oil“ d.o.o. Novi Travnik, je ponudio cijenu od 36.448,10 KM bez uključenog PDV-a, odnosno 42.644,28 KM sa uključenim PDV-om.

Procijenjena vrijednost javne nabavke radova "Izvođenje radova na izgradnji rezervoara Križevac V=50 m³" bez uračunatog PDV-a iznosi 21.367,52 KM, odnosno 25.000,00 KM sa uključenim PDV-om.

Shodno navedenom Komisija za javnu nabavku je preporučila općinskom načelniku da se u javnoj nabavci radova "Izvođenje radova na izgradnji rezervoara Križevac V=50 m³", bez podjele na lotove, donese Rješenje o poništenju postupka, u skladu sa članom 69. stav (2) tačka e) Zakona o javnim nabavkama BiH.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama Bosne i Hercegovine, načelnik Općine prihvatio je preporuku Komisije i odlučio kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđaču x 1
2. Arhiva.

OB 001

Konatur bb,72270 Travnik
Telefon/fax: +387 30 511 146
E-mail: urednacelnika@opcinatrvnik.com.ba
Web: <http://www.opcinatrvnik.com.ba>



NAČELNIK

Admir Hadžiemrić, dipl. ecc.

Strana 2 od 2

Identifikacijski broj: 4236179780001
Matični broj: 20172550
Broj poreznog obveznika: 09001098
PDV broj: 236179780001